



## POZIVNO PISMO

Poštovani,

**Tanzelarija** – Organizacija za promociju savremenog plesa organizuje VII Internacionalno takmičenje iz klasičnog baleta i savremenog plesa „Balance“ 2025.

Ovo već tradicionalno takmičenje namijenjeno je za osnovne i srednje baletske škole i škole savremenog plesa, kao i baletska studija iz cijelog svijeta. Takmičenje će se odvijati od 10. – 12. aprila 2025. u Sarajevu (Bosna i Hercegovina).

Naši partneri u ovom projektu su Međunarodni centar za djecu i omladinu (Dječija kuća) i Pozorište mladih Sarajevo. U velikoj i divno osunčanoj baletskoj sali Dječije kuće (Grbavica) održavat će se ballet class-ovi (selekcija), a finale i Gala koncert takmičenja na predivnoj sceni Pozorišta mladih Sarajevo u samom centru grada.

Svaki takmičar/ka će imati priliku da se pokaže u najboljem svjetlu, obezbijedi svoje mjesto u finalu i samim tim osvoji jednu od brojnih nagrada na ovom takmičenju, kao što su stipendije, kotizacije za festivale, takmičenja i radionice, ali i novčanu nagradu.

Svi takmičari će dobiti potvrdu o učešću ili za osvojeno mjesto na takmičenju, kao i medalju takmičenja „Balance“ 2025.

Jedna od najjemenitnijih nagrada takmičenja je svakako specijalna nagrada „Emina – Minka Kamberović“ koju bira i dodjeljuje upravo gospođa Kamberović i to na Gala koncertu u Pozorištu mladih Sarajevo.

Ove godine u vrijeme trajanja „Balance“ 2025, održat će se vrlo interesantne radionice sa izuzetnim predavačima iz sljedećih oblasti: Moderni ples, Scenski izraz – gluma i Baletni repertoar.

U okviru takmičenja bit će također upriličena promocija knjige klavirskih izvoda baletskih varijacija za osnovne muzičke/baletske škole dirigentice Renate Bagarić i dugogodišnje korepetitorice baleta. Knjigu ćete moći kupiti po promotivnoj cijeni i na taj način obogatiti svoju nototeku.

Ovim putem sa velikim zadovoljstvom želimo pozvati učenike Vaše škole na aktivno učešće u „Balance“ 2025.

Molimo Vas da nam mailom potvrdite učešće, te do datuma isteka poziva prijavite takmičare putem prijave.



Imena članova žirja takmičenja i baletnih pedagoga, predavača na radionicama, kao i satnice takmičenja po kategorijama i satnice radionica, objavit ćemo naknadno.

Radujemo se druženju, plesu, razmjeni iskustava i divnoj energiji koja je uvijek prisutna na našem takmičenju.

Nadamo se susretu i nezaboravnim doživljajima u najljepšem gradu na Miljacki.

U prilogu Vam dostavljamo propozicije takmičenja u okviru kojeg se nalazi link za prijavu takmičara.

Pratite nas na instagramu i Facebooku (Tanzelarija BiH) ili [www.tanzelarija.eu](http://www.tanzelarija.eu)

S poštovanjem,

Organizacioni tim